



Broj: 03-04-02-32903-1/16  
Sarajevo, 28.11.2016.godine

**AGENCIJA ZA DRŽAVNU SLUŽBU  
FEDERACIJE BOSNE I HERCEGOVINE**  
**Ul. Kulovića br.7**  
**71000 Sarajevo**  
**gosp. Refik Begić, direktor**

**PREDMET: Obavijest, dostavlja se –**

Kao što znate, Skupština Kantona Sarajevo je donijela Zakon o državnoj službi u Kantonu Sarajevo („Službene novine Kantona Sarajevo“, broj 31/16) (u daljem tekstu: Zakon), koji je stupio na snagu 12.08.2016. godine.

U proteklom vremenskom periodu nakon stupanja na snagu ovog zakona, obratili su nam se pojedini organi uprave na koje se odnosi ovaj zakon i istakli problem koji se pojavio u praksi, a koji se odnosi na javno oglašavanje prema odredbama 34. Zakona. Konkretno, problem se pojavio u primjeni odredbi člana 33. Zakona (interno oglašavanje) i člana 34. Zakona (javno oglašavanje), a sve u vezi sa članom 29. Zakona, koji propisuje da se popuna upražnjenog radnog mjesta vrši na način utvrđen u čl. 30. do 34. ovog zakona za koji se, **u zavisnosti od konkretne potrebe i situacije, odluči rukovodilac organa državne službe.**


S tim u vezi, članom 29. Zakona nedvosmisleno je propisan način popune upražnjenog radnog mjesta državnog službenika, odnosno da je ovim članom data mogućnost izbora načina popune upražnjenog radnog mjesta rukovodiocu organa državne službe, na jedan od načina propisanih čl. 30. do 34. Zakona.

Intencija Zakona je da rukovodilac organa državne službe odlučuje o načinu na koji će se izvršiti popuna upražnjenog radnog mjesta, zavisno od konkretne potrebe i situacije, što se navodi u zahtjevu koji upućuje Agenciji za državnu službu Federacije Bosne i Hercegovine.

S poštovanjem,

Dostaviti:

1. Naslovu;
2. a/a.



**MINISTAR**

**Mario Nenadić**

